

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCCXLIII.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

CCCCXLIII.

LITTERÆ CONFIRMATORIÆ PRIVILEGII DE NON
EVOCANDO, CHRISTOPHORO MARCHIONI BADENSI
A MAXIMILIANO ROM. REGE DATÆ.

ANNO MCCCCXCV.


Ex Archivo Badensi.

Wir MAXIMILIAN von Gottes Gnaden, Römischer König, zu allen Zeiten Mehrer des Reichs, zu Hungarn, Dalmatien, Croatien &c. König, Ertzhertzog zu Oesterreich, Herzog zu Burgundi, zu Lotterik, zu Brabant, zu Steyr, zu Kärndten, zu Crain, zu Limburg, zu Lutzemburg vnd zu Geldern, Grav zu Flandern, zu Habspurg, zu Tirol, zu Pfirdt, zu Kiburg, zu Artois vnd zu Burgundi, Pfallentzgrav zu Hennigaw, zu Holland, zu Seland, zu Namur vnd zu Zutphen, Marggrav des heiligen Römischen Reichs vnd zu Burgaw, Landgrav im Elfsas, Herr zu Frisland, vff der Windischen Mark, zu Portenau, zu Salins vnd zu Mecheln &c. bekhennen öffentlich mit diesem brieff vnd thun kundt allermänniglich, das vnfs der Hochgebohren, Christoph, Marggrav zu Baden vnd Graf zu Sponheim, vnser lieber Oheim vnd Fürst, einen Brief von weilent dem Durchleuchtigsten Fürsten, Herrn Friderichen Römischen Keyfser, löblicher Gedächtnüß, vnserm lieben Herrn vnd Vatter aufgangen, hat fürbringen lassen, der von Wort zu Wort also lautet: (*)

(*) Vid. supra Num. CCCLXXXIV.

Vnd vns darauf demütiglich angeruffen vnd gebetten, dafs wir ihme folche freiheit vnd brieffe mit allen ihren Innhaltungen vnd begreifungen zu vernewen, confirmiren vnd zu bestetten gnediglich geruchten, des haben wir angesehen folch sein demutig zimlich bette, auch die annelimen vnd getrewen Dienste, so er vnfs vnd dem Reich oft williglichen gethan hat vnd hinfür in künftige Zeit wohl thun mag vnd soll vnd darumb mit wohlbedachtem Mut vnd gutem Rat, demselben Marggrav Christophen, die obberührten Freiheit vnd brieffe in allen Ihren Innhaltungen, Meynungen vnd begreifungen, als Römischer König, gnädiglich renewet, confirmirt vnd bestett, Renewern, confirmiren vnd bestetten ihme die auch von Römischer Königlicher macht wissentlich in Kraft dis briefs vnd meynen vnd wollen, dafs der jetzgemelt Marggrav Christoph, sein erben, die Iren, noch Ire Güter darwider nit angelangt, getrunge, nach beschwert werden, sonder ohn Irrung dabey bleiben vnd sich der nach ihrer Ausweisung geruhlich gebrauchen vnd geniefsen sollen vnd mögen, von aller männiglich vnverhindert vnd gebieten darauf allen vnd jeglichen Churfürsten, Fürsten, Geistlichen vnd Weltlichen, Prelaten, Graven, Freyen, Herren, Rittern, Knechten, Hauptleuten, Vizthumben, Vögten, Pflegern, Verwesern, Ambtleuten, Schultheissen, Burgermeistern, Hofrichtern, Landrichtern, Richtern, Räten, Burgern vnd Gemeinden vnd sonst allen andern vnsern vnd des Reichs Vnderthanen vnd getrewen, in was Würden, Staats oder Wesens die seyn, ernstlich vnd vestiglich vnd wollen, dafs Sie die obgenanten Marggraf Christophen, sein erben vnd die ihren, an den vorgemelten Freiheiten vnd Briefe vnd dieser vnser Königlicher Erneuerung, Confirmation vnd bestattung nit irren, noch

hindern, Sonder Syn der, als vorsteht, geruhiglich gebrauchen, geniefsen vnd gäntzlich dabey bleiben lassen vnd hiewider nit thun, noch jemand andern zu thun gestatten in kein Weyfs, als lieb einem jeden sey vnser vnd des Reichs schwäre Vngnad vnd Straffe vnd darzu die Poene in dem obgeschriben Brieff begriffen, zu vermeyden, mit Vr kund diß briefs, besigelt mit vnserm Königlichen anhangenden Insigel. Geben in vnser vnd des Heiligen Reichs Statt Wormbs, am Drey vnd Zwenzigsten Tag des Monats Junii, nach Christi Geburt, vierzehnhundert vnd im Fünf vnd Neunzigsten, vnserer Reiche des Römischen im zehenden vnd des Hungarischen im Sechsten Jahren.



CCCCXLIV.

LITERÆ PHILIPPI ARCHIDUCIS, QUIBUS CHRISTOPHORUM MARCHIONEM LOCUMTENENTEM SUUM IN CIVITATE VIRDUNENSI CONSTITUIT.

ANNO MCCCCXCVI.

Ex Tabulario Bada-Durlacensi.

PHILIPPE par la grace de dieu Archiduc daustrice duc de bourgoingne de Lothr — de brabant de Stier de Carinte de Carniold de lembourg de Luxembourg & de Gheldres conte de habspourg